

集部

欽定四庫全書楊子雲集卷四

詳校官監察和史臣 曹錫實

檢討臣何思釣覆勘 總校官進士臣朱 校對官中書臣牛稔文

磨録監生臣許紹錦

とこうるとは MARK TOW 法問籍 的問題 問は見るのは THE RESERVE THE PARTY OF THE PA は自動 楊子雷集 不察也今單于上書求朝國家)勝貴於未戰二者皆 明 漢 鄭樸 揚雄 編 撰

带甲四十餘萬然不敢窺西河迺築長城以界之會漢 狄五帝所不能臣三王所不能制其不可使除甚明臣 不許而辭之臣愚以為漢與匈奴從此除矣夫北地之 金万四月在書 衆橫行匈奴中季布曰噜可斬也妄阿順吉於是大臣 而言也又高皇后當您匈奴羣臣廷議樊會請以十 食時奇論之士碩畫之臣甚衆卒其所以脱者世莫得 不敢逐稱請引秦以來明之以秦始皇之彊家恬之威 與以高祖之威靈三十萬眾困於平城士或七日不

破蜜顏襲王庭窮極其地追奔逐北封狼居胥山禪 使衛青霍去病操兵前後十餘年於是浮西河絕大幕 後深惟社稷之計規恢萬載之策廼大與師數十萬載 而去徒費財勞師一虜且不可得見况單于之面乎其 權書遗之然後匈奴之結解中國之憂平及孝文時匈 柳棘門霸上以備之數月乃罷孝武即位設馬邑之權 奴 ?こり ここう 誘匈奴使韓安國将三十萬衆徼於便陸匈奴覺之 侵暴北邊候騎至雅甘泉京師大駭發三将軍屯細 陽子虫煤

還時鮮有所獲徒奮揚威武明漢兵岩風雷耳雖空行 匈奴有桀心欲掠烏孫侵公主通發五將之師十 騎獵其南而長羅侯以烏孫五萬騎震其西皆至質而 金片四月全書 之家運府庫之財填盧山之壑而不悔也至本始之初 不久佚不暫费者不永寧是以忍百萬之師以推餓 怖益求和親然而未肯稱臣也且夫前世豈樂傾無量 姑 之费役無罪之人快心於狼望之北哉以為不壹勞者 行以臨瀚海係名王贵人以百數自是之後匈奴震 孝: 五 萬

殫貸伏尸流血破堅拔敵 縻之計不顓制自此之後欲朝者不距不欲者不殭 五單于争立日逐呼韓邪攜國歸死扶伏稱臣然尚羈 逮至元康神爵之間大化神明鴻恩溥洽而匈奴内亂 とこりも ここり 以惡其殭難拙其和難得故未服之時勞師遠攻傾國 者外國天性忽鷙形容魁健負力怙氣難化以善易隸 空反尚誅兩將軍故北狄不服中國未得高枕安寢 循交接路遗威儀俯仰如此之備也往時當屠大宛 揚子虫侯 如彼之難也既服之後慰薦 何

費不得已者也奈何距以來厭之群疎以無日之 往昔之恩開將來之隊夫款而隊之使有恨心負前言 之兹甚未易可輕也今單于歸義懷款誠之心欲離 ૠ 庭陳見於前此乃上世之遺策神靈之所想望國家雖 已犁其庭掃其問郡縣而置之雲徹席卷後無餘笛 旃拔两越之旗近不過旬月之後遠不離二時之勞固 之城蹈鳥桓之壘探姑繒之壁籍湯姐之場艾朝鮮 狄為不然真中國之堅敵也三垂比之懸矣前世重 期 消 惟 其 Ż

金云四月五十

* 四

復備馬邑之策安所設衛霍之功何得用五将之威安 諭之不能馬得不為大憂乎夫明者視於無形聰者 欠正日日 Latels || 白龍堆而冠西邊哉乃以制匈奴也夫百年勞之一 都護三十六國費歲以大萬計者豈為康居烏孫能 所震不然壹有除之後雖智者勞心於内辯者較擊 緣往解歸怨於漢因以自絕終無北面之心威之不 楢 無聲誠先於未然即家恬樊會不復施棘門細 不若未然之時也且往者圖西域制車師置城 梯子虫集 柳 日 可 踰 聴 郭 不

金分口屋台電 官朝今舉者懷赧而低眉任者含聲而宛舌知人之徳 厚甚厚田儀與雄同鄉 雄 未亂未戰以遏邊的之禍 失之費十而愛一臣竊為國不安也惟陛下少留意於 采似不為非者故舉至之雄之任也不意淫迹暴於 猫病諸雄何慙馬叩頭叩頭又敕以殊言十五卷君 קט 頭賜命謹至又告以田儀事事窮竟白案顯出甚 答劉歆書 里幼稱為鄰長艾相愛視凱 動

翁 辦 平臨 於周泰之室及其破也遺棄無見之者獨蜀人有嚴君 何 五 PLICAL ZILLE 雄 KB 歲死婦蜀郡掌氏子無子而去而雄始能草文先作 孺 經之訓所 由 銘 也君平財有千言耳翁孺梗概之法略有翁孺 與雄外家牵連之親又君平過誤有以 印林問翁孺者深好訓話猶見輶軒之使所奉言 知之謹歸誠底裏不敢違信雄少不師章句亦於 王佴頌階閮銘及成都城四偶銘蜀人有揚 不解常聞先代賴軒之使奏籍之書皆蔵 杨子玄集 私遇少而 £ 莊 往

者為郎誦之於成帝成帝好之以為似相如雄遂以 得外見此數者皆都水君常見故不復奏雄為郎之歲 自奏少不得學而心好沈博絕麗之文願不受三歲之 嚴作繡補靈節龍骨之銘詩三章成帝好之遂得盡意 奪奉令尚書賜筆墨錢六萬得觀書於石渠如是後 奉且休脱直事之繇得肆心廣意以自克就有詔可 故天下上計孝廣及內郡衛率會者雄常把三寸弱 万四周五章 油素四尺以問其異語歸即以鉛摘次之於縣二 翰 不

成者伯松曰是縣諸日月不刊之書也又言恐雄為太 雄 熊其疑張伯松不好雄賦誦之文然亦有以奇之常為 七歲於今矣而語言或交錯相反覆方論思詳悉集之 則為抵冀棄之於道矢而雄般之伯松與雄獨何德慧 7.17.11 君坐悼幙之中知絕選異俗之語典流於昆嗣言列: 道言其父及其先君喜典訓屬雄以此篇目頗示其 經由鼠城之與牛場也如其用則實五稼飽邦民否 君與雄獨何諧除而當匿乎其不勞戎馬高車令人 陽子虫集

愛雄 為 而 祭 士誠 明使君求此如 君又終之 以威陵之 不 也不敢有或不敢有爱少而 之所為得使君輔貢於明 じょ 欲崇 功 顯於縣官者訓 則 以武欲令入之於此此又未定未 而就之不可以遗不可以忘即 縊死以從命也且寬假延期 君之意誠雄散之會也死之日 此於帝籍但言詞情覽翰 朝 則雄 不以 行立 無恨何敢 必不 於 君必欲 鄉 可以 里 敢 則 有 脅 墨 仐 有 長

一分玩四庫

全書

漢籍

誠雄心之所絕

极至精之所

想遇也扶聖朝遠

鹏

教其子以爾雅爾雅者小學也又言孔子教會哀公學 爾 唯執事圖之長監所規編之就死以為小雄敢行之謹 因還使雄叩頭叩頭 類後人所增耳 1.7.2 7.15 雅爾雅之出遠矣學者皆云周公所記也張仲孝友 雅孔門游夏之傳所記以解釋六藝者也記言史佚 答 答茂陵郭威 桓譚 易子出作

俗博覽廣包參天貳地無並神明配五帝冠三王開 古作民父母為天下主執粹精之道鏡照四海聽聆 經 諸吏中散大夫臣雄稽首再拜上封事皇帝陛下臣雄 則能為之諺云伏習衆神巧者不過習者之門 術淺薄行能無異數家渥恩拔權倫比與羣賢並 以稱職臣伏惟陛下以至聖之徳龍與登庸欽明 卿賦不似從人間來其神化所至耶大諦能讀千賦 劇秦美新 尚 媤 風

好四月全電

存在乎混混茫茫之時繁聞罕漫而不昭察世莫得而 而明或黄而芽玄黄剖判上下相區爰初生民帝王始 臣雄稽首再拜以聞曰權與天地未祛睢睢盱盱或女 旦先大馬填溝壑所懷不章長恨黃泉敢竭肝膽寫腹 云也厥有云者上問顯於義皇中其盛於唐虞適靡者 心作劇泰美新一篇雖未究萬分之一亦臣之極思也 相 以來未之聞也臣誠樂昭著新徳光之罔極往時司馬 如作封禪一篇以彰漢氏之休臣常有颠詢病恐

欠已日年 一

拂子雲集

樂塗民耳目遂欲流唐漂虞滌殷寫周難除仲尼之篇 政 破 疆 於成周仲尼不遭用春秋因斯發言神明所 罔 抱其書而遠遜禮官博士卷其舌而不談來儀之鳥 縱擅衛并吞六國遂稱乎始皇盛從鞅儀韋斯之 自勒功業 馳鶩起翦恬賁之用兵剗滅古文刮 因襄文宣靈之借跡立基孝公茂惠文奮的莊 不云道德仁義禮智獨秦崛起西我仍荒岐 改制度軌量成務之於春紀是以者儒 語燒書弛禮崩 作兆民 雍 至 沂 碩 政 扔

金岁也是

泊量

陽 紂 而尚闕馬壞徹而能全故若古者稽堯舜威侮者陷禁 とこうう ここう 者哉會漢祖龍騰豐沛奮迅宛葉自武關與項戮力咸 茀 之者窮祥瑞回而昧之者極妖紀上覽古在昔有憑應 創業蜀漢發跡三秦克項山東而帝天下擿秦政慘 况盡汎埽前聖數十載功業專用已之私而能享祐 何其劇與帝王之道兢兢乎不可離已夫能貞而 角之獸狙擴而不臻甘露嘉醴景曜浸潭之端潜大 經實巨狄鬼信之妖發神歇靈繹海水羣飛二世而 赐子宝 明

受命上帝還資后土顧懷玄符靈契黃瑞涌出滭浡 創億兆規萬世竒偉倜儻詭譎天祭地事其異物殊 爾於是乃奉若天命窮寵極崇與天剖神符地合靈 震聲日景炎光飛響盈塞天淵之間必有不可辭譲 馬秦餘制度項氏爵號雖違古而猶襲之是以帝與闕 酷 而 不補王 川流海渟雲動風偃霧集雨散誕彌八圻上陳天庭 尤煩者應時而蠲如儒林刑辟歷紀圖典之用稍 綱 她而未張道極數彈間忽不還逮至大新 增 沕

金丘

匹犀庄書

翱翔乎禮樂之場盾殷周之失業紹唐虞之絕風懿律 勤勤懇懇者非秦之為與夫不勤勤則前人不當不懇 豈知新室委心積意儲思垂務旁作穆穆明旦亦不寐 昔帝續皇王續帝隨前踵古或無為而治或損益而亡 夫白鳩丹鳥素魚斷虵方斯茂矢受命甚易格來甚勤 衍下土非新家其疇離之卓哉惶惶真天子之表也若 存乎五威将即班乎天下者四十有八章登假皇穹鋪 ?則覺徳不愷是以發私府覽書林遥集乎文雅之囿

飲定四車全書

揚子雲集

|嘉量金科玉條神卦靈兆古文畢發煥炳照耀靡不 **岩復五爵度三壤經井田免人役方甫刑匡馬法恢** 改定神祇上儀也飲修百祀成秩也明堂雅臺壮 尾以昭之正嫁娶送終以尊之親九族淑賢以穆之夫 九廟長壽極孝也制成六經洪業也北懷單于廣德 臻式幹軒旂旗以示之揚 庸燥徳懿和之風廣彼縉紳 之聲充庭鴻鸞之黨漸階俾前聖之緒布獲流行 卷四 和鸞肆夏以節之施輔 講習言諫箴誦之逢振 散家 觀 宣 也 也

成設壇場里受命之蘇馬海外遐方信延頭企踵回面 南斯受命者之典業也盖受命日不暇給或不受命然 黃虞之裔帝典闕者已補王綱弛者已張炳炳麟麟豈 猶有事矣况堂堂有新正丁厥時崇嶽浮海通濟之神 要荒濯沐而街前典巡四民迄四嶽增封泰山廣禪梁 公先正罔不夷儀奸究冠賊罔不振威紹少典之苗著 不韞韣郁郁乎焕哉天人之事盛矣鬼神之望允塞羣 不懿哉厥被風濡化者京師沈潜甸内币洽侯衛厲揭

次足四車全島 ~

揚子虫集

帝典 之上則已庶可試哉 内嚮喁吳如也帝者雖勤讓惡可以已乎宜命賢哲作 之正聲則百工伊疑庶績咸熙荷天衢提地釐斯天下 戴巍魏履栗栗臭馨香含甘實鏡純粹之至精聆清和 難揚子曰凡著書者為眾人之好也美味期乎合口 解 篇奮三為一襲以示來人搞之罔極令萬世常 ノノニョ 解難 参四 將登乎天必鋒身於蒼梧之淵不陷浮雲翼疾風虚舉 地察法於人者天麗且彌地普而深昔人之辭乃玉乃 幽微之塗盖難與覽者同也昔人有觀象於天視度於 形 殊不寤亶费精神於此而煩學者於彼譬畫者畫於無 於有亡之際而陶冶大鑪旁薄羣生歷覽者茲年矣而 金彼豈好為艱難哉勢不得巴也獨不見翠虬絳螭之 工聲調於比耳今吾子乃抗辭幽說閱意眇指獨馳騁 伪子女作

音必希大語叫叫大道低回是以聲之則者不可同於 揚鴻烈而章緝熙盖胥靡為宰寂寞為尸大味必淡 散歌烝是以完議氏之作易也縣絡天地經以八卦 **衆人之耳形之美者不可混於世俗之目辭之行者** 王附六文孔子錯其象而象其解然後發天地之藏定 燭六合燿八紘泰山之髙不瞧嶢則不能浡滃雲 上升則不能機勝葛騰九閎日月之經不千里則 物之基典該之篇雅頌之聲不温純深潤則不 足 アノ 文 而 不

動力四月白書

& 四 |客嘲揚子曰吾聞上世之士人綱人紀不生則已生則 言贵知我者布此非其操與 者之在後也孔子作春秋幾君子之前睹也老聃有遗 **極人亡則匠石輟斤而不敢妄斷師曠之調鍾竢知音** 莫有和也是故鍾期死伯牙絕紋破琴而不肯與眾鼓 者不期而附矣試為之施咸池偷六並發簫部詠九成則 可齊於庸人之聽今夫弦者高張急嚴追趣逐者則坐 解 嘲

Rad Duel Links

揚子雲集

疎獨說數十餘萬言深者入黃泉髙者出蒼天大者含 金分四屋有電 者玄得無尚白乎何為官之拓落也楊子笑而應之曰 光壹從壹橫論者莫當顧黙而作太玄五千文枝葉扶 畫一竒出一策上説人主下談公卿目如耀星舌如電 元氣纖者入無倫然而位不過侍郎握纔給事黃門意 不諱之朝與羣賢同行歷金門上玉堂有日矣曾不能 人之禄紆青拖紧朱丹其較今子幸得遭明盛之世處 上尊人君下榮父母析人之珪儋人之爵懷人之符分

墨製以鎖鉄散以禮樂風以詩書曠以歲月結以倚廬 天下之士雷動雲合魚鱗雜襲咸管於八區家家自以 海 頡 恣意所存故士或自盛以橐或鑿坏以遁是故鄒行 國士無常君國無定臣得士者富失士者貧矯翼属副 客徒欲朱丹吾敢不知 とこのはなる 解結羣鹿争逸離為十二合為六七四分五剖並為戰 右渠搜前番禺後陷逢東南 **頏而取世資孟軻雖連蹇猶為萬垂師今大漢左東** 楊子雲集 跌将赤吾之族也往者周 尉西北一 堠 10 微 ٧J 糾 網

而 子房平勃樊霍則不能安當其無事也章句之徒相 危穣侯祭澤以噤吟而笑唐舉故當其有事也非 三仁去而殷墟二老歸而周熾子胥死而吳七種蠡存 之崖渤澥之島乗鴈集不為之多雙鳧飛不為之少 委溝渠旦握權則為卿 衡五尺童子羞比晏嬰與夷吾當途者升青雲失路 為稷契人人自以為皐陶戴維垂纓而該者皆擬於 金岁口屋白電 越霸五段入而秦喜樂毅出而熊懼范雎以折 相夕失勢則為匹夫譬若江 肅 摺 一昔 者 湖 而 阿

或 欲 眉言奇者見疑行殊者得辟是以欲談者卷舌而同聲 當 是以士頗得信其舌而奮其筆室隊蹈瑕而無所拙 則庸夫高枕而有餘夫上世之士或解縛而相或釋 坐而守之亦無所患故世亂則聖哲馳騖而不足世治 ここうこ ここう 傅或倚夷門而笑或橫江潭而漁或七十說而不 行者擬足而投迹鄉使上世之士處乎今世策非 立談問而封侯或枉千乗於恆巷或擁帚篲而先 今縣令不請士郡守不迎師羣卿不揖客將相不 拂子虫原 t L 俛 遇 甲 也 驅

瞰 今子乃以鸱栗而笑鳳凰執蝘蜓而嘲龜龍不亦病乎 宴守徳之宅世異事變人道不殊彼我異時未知何 是故知玄知默守道之極爰清爰静游神之庭惟寂惟 觀雷觀火為盈為實天收其聲地蔵其熱高明之家思 科行非孝廣舉非方正獨可抗疏時道是非高得待 子之笑我玄之尚白吾亦笑子之病甚不遇俞跗與扁 下觸聞罷又安得青紫且吾聞之炎炎者滅隆隆者絕 "其室攫孥者亡默默者存位極者宗危自守者身全

翻定四盾全書

肩蹈背扶服入索激印萬垂之主介涇陽抵穣侯而代 舌建不拔之策舉中國徙之長安適也五帝垂典三王 强秦之相益其咽而亢其氣捬其背而奪其位時也天 玄哉揚子曰范雎魏之亡命也折脅拉髂免於徽索翕 7.1 C. 1.1. 之當也祭澤山東之匹夫也顏頤折頓涕唾流沫西揖 下已定金革已平都於洛陽婁敬委輅脫輓掉三寸之 也悲夫客曰然則靡玄無所成名乎范察以下何必 禮百世不易权孫通起於抱鼓之間解甲投戈遂作 佛子雲集 ス

剑穴四库全書 其人之瞻知哉亦會其時之可為也故為可為於可為 時則繆矣有談范察之説於金張許史之間則狂矣夫 **孫通儀於夏殷之時則惑矣有建隻敬之策於成周之** 造律宜也故有造蕭何律於唐虞之世則詩矣有作 君臣之儀得也吕刑靡敝泰法酷烈聖漢權制而蕭 收功於章臺四皓采紫於南山公孫創業於金馬驃騎 一時則從為不可為於不可為之時則凶若夫藺先生 規曹隨留侯畫策陳平出奇功若泰山劉若低隤唯 叔 何

君僕誠不能與	於
	迹於祁
能與此	連司馬
岩僕誠不能與此數公者並故默然獨守吾太玄	發迹於祁連司馬長卿竊貲於卓氏東方朔割炙於細
*	於卓氏
選	東方朔
太	割炙於

金牙巴屋石量 揚子雲集卷四 卷四

次足口車上馬 録功五帝邮肖錫羨拓迹開統於是廼命羣僚歷吉日 惟漢十世將郊上玄定泰時擁神休尊明號同符三皇 欽定四庫全書 揚子雲集卷五 賦 甘泉賦 揚子雲集 漢 明 鄭樸 揚雄 撰 編

赫智霍霧集而家合兮半散照爛粲以成章於是乗 方攘駢羅列布鱗以雜沓兮條旒參差魚頡而鳥胻 協靈辰星陳而天行詔招摇與太陰兮伏鉤陳使當兵 灕虖穇纜帥爾陰閉雲然陽開騰清霄而軼浮景兮夫 <u> 通登夫鳳凰兮而翳華芝腳蒼螭兮六素虬蠖略蕤</u> 振殷鳞而軍裝蚩尤之偷帶干將而秉玉戚兮飛家茸 屬堪與以壁壘兮捎夔魖而扶獝狂八神奔而警蹕兮 而走陸梁齊總總以搏搏其相膠轕兮義駭雲迅奮以 翕

牙

D V

1:17

登椽樂而狂天門兮馳間闔而入凌兢是時未臻夫甘 少足口事 LLES ! 鄂崇丘陵之駛職兮深溝嵌巖而為谷進進離宫般以 壇漫兮列新雉於林溝攢并問與炭猪兮紛被魔其亡 泉也廼望通天之繹繹下陰潜以慘懔兮上洪紛而相 輕先疾雷而馭遺風臨髙衍之熔嵷兮超紆譎之清澄 旗屯萬騎於中營兮方玉車之千乗聲縣隱以陸離兮 何旟旐郅偈之旖旎也流星旄以電爥兮咸翠盖而鸞 直曉晚以造天兮厥高慶而不可乎疆度平原唐其 楊子雲集

象泰壹之威神洪臺崛其獨出兮徴北極之嶟嶟列宿 鱗揚光曜之燎爥兮垂景炎之炘炘配帝居之懸圃兮 昏亂據幹軒而周流分忽块儿而無垠翠玉樹之青葱 唯而成觀仰矯首以高視兮目照詢而無見正瀏濫 **迺施於上榮兮日月纔經於挾根雷鬱律於嚴愛兮電** 相囑兮封戀石關池靡乎延屬於是大厦雲譎波詭 兮璧馬犀之璘骗金人仡仡其承鍾虡兮嵌巖巖其龍 倘分指東西之漫漫徒徊何以徨徨兮魂魄眇眇而 . V. 摧

U

人とこれ

倏忽於牆潘鬼魅不能自遠兮半長途而下顛歷倒景 皇於西清前殿崔魏兮和氏玲瓏抗浮柱之飛粮兮神 蜷於東厓兮白虎敦圉乎崑崙覽樛流於髙光兮溶方 莫莫而扶傾閌閬関其寥廓兮似紫宫之峥嵘駢交錯 而曼衍分岐峰限乎其相嬰垂雲閣而上下分紛家龍 絕飛梁兮浮蟆蠓而撇天左機槍而右玄真兮前標 而後應門陰西海與此都分涌體汨以生川蛟龍連 混成曳紅采之流離今遇翠氣之宛延襲班室與傾 赐子虫集

崽 物 其 穆 桂 蠖濩之中惟夫所 宫兮若登髙眇遠七國肅乎臨 肸 銄 化 羽 與营窮 椒 縋 根批分聲 目 相和分岩夔牙之調琴般倕棄其剖劂兮王爾 而鬱移楊香芬茀以穹隆兮擊溝櫨而将榮薌 雖方征 駭 耳 帷 回盖天子穆 捌 僑 **骡其拂 評隱而** 以澄 與偓佺兮猶 心清 **孝**·五 歷 汨兮稍暗暗 然珍臺間 鍾 魂儲精垂思感動天 排 玉户 仿佛其若夢於是事 淵迴矣肆其碼駭兮 而 而 館班題玉英蝗蜎 靚深陰陽清 賜金鋪今發 地逆 投 蒯 呹 濁 翍

犮

匹居在書

威威攀现璣而下視兮行遊目乎三危陳眾車於東防 禮神之囿登乎頌祗之堂建光耀之長稍兮的華覆之 釐三神者迺搜逑索偶皐伊之徒冠倫魁能函甘棠之 折瓊枝以為芳喻清雲之流霞兮飲若木之露英集乎 惠挾東征之意相與齊乎陽靈之宫靡薛荔而為席兮 U.10 5 7.15 風從從而扶轄兮鸞鳳紛其街難梁弱水之鴻際兮躡 不周之逶迤想西王母欣然而上壽兮屏玉女而却灾 兮肆玉軟而下馳漂龍淵而還九垠兮窺地底而上迴 楊子雲集

黎天間決兮地垠開八荒協兮萬國詣登長平兮雷鼓 穣兮委如山於是事畢功弘迴車而歸度三巒兮偈常 咸兮叫帝閹開天庭兮延羣神價暗謁兮降清壇瑞穣 爥滄海西耀流沙北橫幽都南場丹厓玄璜觩醪 道德之精剛兮侔神明與之為資於是欽柴宗祈燎薰 皇天皐搖泰壹舉洪頤樹靈旗樵蒸焜上配黎四施東 泔淡貯墾豐融懿懿芬芬炎感黃龍兮熛訛碩麟選巫 王女亡所眺其清爐兮灾如曾不得施其蛾眉方攬 柜 鬯

云四周白章

とこうう ここう 池苑園林應數澤財足以奉郊廟御賓客充庖厨而己 靈迟退兮煇光眩惺降厥福兮子子孫孫長無極兮 參差駢嵯峨兮岭嶒嶙峋洞無厓兮上天之縡杳旭卉 世亂曰崇崇園丘隆隱天兮登降峛施單城垣兮增宫 磁天聲起兮勇士厲雲飛揚兮雨滂沛于胥徳兮麗萬 孝成帝時羽獵雄從以為昔在二帝三王宫館臺榭沼 兮聖皇穆穆信厥對兮依祇郊禋神所依兮徘徊招摇 羽雅賦井序 陽子四集

里穿昆明池象滇河管建章鳳闕神明馭沒漸臺太液 旁南山西至長楊五柞北繞黃山濱渭而東周麦數 之與奪民也武帝廣開上林南至宜春門湖御宿民吾 百里民以為尚小齊宣王囿四十里民以為泰大裕 益虞而上下和草木茂成湯好田而天下用足文王 家殷富上下交足故甘露零其庭醴泉流其唐鳳凰巢 其樹黃龍遊其沼麒麟臻其囿神雀棲其林昔者禹任 不奪百姓膏腴穀土桑柘之地女有餘布男有餘栗國 囿 民 百

创定匹库全書

得宜奚必同條而共貫則泰山之封馬得七十而有二 藥所營尚春曆跨詡非竟舜成湯文王三驅之意也 儀是以創業垂統者俱不見其爽遐邇五三孰知其是 風之其辭曰 割其三垂以赡齊民然至羽獵甲車戎馬器械儲侍禁 象海水周流方丈瀛洲達來遊觀多靡窮妙極麗雖頗 又恐後世復脩前好不折中以泉臺故聊因校獵賦以 稱義農豈或帝王之彌文哉論者云否各亦並時而

詔虞人典澤東延民鄰西馳閶闔儲積共侍戍卒夾道 非遂 靈之囿開北垠受不周之制以終始顓頊玄冥之統 季月天地隆烈萬物權與於內租落於外帝將惟田 | 欽定四庫全書 斬叢棘夷野草禦自汧渭經營酆鎬章皇周流出 垂狹三王之阨僻矯高舉而大興歷五帝之寥廓涉三 王之登閎建道徳以為師友仁義與之為朋於是玄冬 正與天乎比崇齊桓曾不足使扶較楚嚴未足以為夥 |作頌日麗哉神聖處於玄宮富既與地乎件訾貴 乃

天弘發射鮮扁陸離縣行似路廠車輕武鴻網線雅殷 少足 马車 山地 波淫淫與與前後要遮機槍為闡明月為候熒惑司命 張竟樊之果靡日月之朱竿曳彗星之飛旗青雲為紛 倫蒙盾負羽杖鏌鄧而羅者以萬計其餘荷垂天之單 合圍會然後先置乎白楊之南昆明靈沼之東賁育之 月天與地沓爾迺虎路三峻以為司馬圍經百里而 **蜕為緣屬乎崑崙之墟海若天星之羅浩如濤水之** 門外則正南極海邪界虞淵鴻濛流茫碣以崇山營 揚子雲作 為

落戲 **踐蘭唐舉烽烈火辔者施技方馳干駟狡騎萬帥虓虎** 乎青林之下於是天子乃以陽黾始出乎玄宫撞鴻 龍翰啾啾蹌蹌入西園切神光望平樂徑竹林躁蔥圃 旗曳捎星之 建九旒六白虎載靈與蚩尤並較蒙公先驅立歷天之 騎營營即分殊事續紛往來輻轤不絕若光若滅者 殷軫軫被陵緣坂窮敻極遠者相與列乎髙原之上 八鎮而開闊飛盧雲師吸嚊浦率鱗羅布 旃霹靂烈缺吐火施鞭萃從沈溶林 列横 離 鐘 布 扫

i

阬 **蔾猟家龍轔輕飛倭般首帯脩虵鉤赤豹摼象犀睉巒** 搏玄猴騰空虚距連卷踔天蹻嬉澗間莫莫紛紛山谷 少足日華 在馬 為之風疾林叢為之生塵及至獲夷之徒蹶松拍掌族 趣東西南北騁嗜奔欲地蒼稀跋犀雞蹶浮麋斮巨挺 岋羨漫半散蕭條數千萬里外若夫壯士忼慨殊鄉 之陳從橫膠轕姦拉雷厲驞駍騎礚洶洶旭旭天動 山還漫若天外儲與乎大浦即浪乎宇內於是天清 超唐陂車騎雲會登降闇藹泰華為旅熊耳為級木 揚子雲集 别

然窮冗 野盡 罕玃虎豹之凌遽徒角槍題注蹴竦髻怖魂亡 魄失觸 騎聿皇蹈飛豹絹噪陽追天寶出一方應軒聲擊流 及飛獸不得過軍驚師駭刮野掃地及至军車飛揚武 轡翼乎徐至於上蘭移圍徙陣浸淫髮部曲隊堅重 案行伍壁壘天旋神拱電擊逢之則碎近之 日晏逢家列眥羿氏控弦皇車幽輵 山窮囊括其雌雄 關與宣觀夫割禽之經剛犀兕之抵觸熊熊 ノニュ 沈沈溶溶遥噱乎紘中三軍芒 光純天地 則破鳥不 望舒 之 光 各 獮

i

鼉祛靈購入洞穴出蒼梧垂與騎京魚浮彭蠡目有 欠日日日 日本司 麟矗凌堅氷犯嚴淵探嚴排碕薄索蚊螭蹈獨賴據 明見驕振鷲上下砰磕聲若雷霆乃使文身之伎水格 雀翡翠垂紫王睢闖闖鴻鴈嚶嚶羣嬉乎其中瞧瞧昆 簪岑眩惺青熒漢女水潜恠物暗冥不可殫形玄鸞 禽彈中哀相與集於靖冥之館以臨珍池灌以歧梁溢 江河東瞰目盡西暢亡涯隨珠和氏焯爍其波玉石 關胆妄發期中進退履獲創淫輪夷丘界陵聚於是 楊子雲集 碹 11

武 侈兹夫古之覲東嶽禪梁基舍此世也其誰 虞方椎夜光之流離剖明月之胎 屈原與彭胥於兹乎鴻生鉅儒俄軒冕雜衣裳脩唐 **匡雅頌揖讓於前昭** 誼 譲而未俞也方將上獵三靈之流下決體泉之 状並 稱 動於南 臣前入圍口後陳盧山奉公常伯楊朱墨翟之 稱日崇哉乎徳雖有唐虞大夏成周之隆 "鄰是以旃丧之王胡貉之長移珍來享 光振耀墾智如神仁聲惠於北 珠鞭洛水之灾妃 與哉上 滋 何 徒 典 餉 猶 抗 狄

金少したろう

夢多話諸非章華是靈臺罕祖離宫而報觀遊土事不 欠巴印画 白 放雞兔收置果麋鹿剪養與百姓共之盖所以臻兹 飾木功不彫承民乎農桑勸之以弗怠衛男女使莫違 黃龍之穴窺鳳凰之巢臨麒麟之園幸神雀之林奢雲 亦至乎乃祗莊雅穆之徒立君臣之節崇賢聖之業未 於是醇洪鬯之德豐茂世之規加勞三皇勗勤五帝不 囿弘仁惠之虞馳弋乎神明之囿覽觀乎羣臣之有亡 恐貧窮者不偏被洋溢之饒開禁死散公儲創道德之 拂子虫体 也

山 鰝 豪豬虎豹砍玃孤兔麋鹿載以檻車輸長楊射熊館 網 多父じたる言 為 觀馬是時農民不得收 苑囿之麗遊獵之靡也因迴較還衡甘阿房反未央 西自疑斜東至孔農南歐漢中張羅網置果捕 聊 周陆縱禽獸其中令胡人手搏之自 因筆墨行成文章故籍翰林以為主 一将大跨胡人以多禽獸秋命右扶風發民 長 楊賦 并序 斂 雄從至射熊館還上長 「取其獲, 人子墨為客 Ĺ 能罷 親 南 楊 VZ

擁 九三日日 在 則 於農人三旬有餘其屋至矣而功 而思治動不為身今年雅長楊先命右扶風左太華 子墨客卿問於翰林主人曰盖聞聖主之養民也仁霑 卿 列萬騎於山隅帥軍踤陆錫戎獲胡描熊嚴拖豪豬木 右題斜極截薛而為弋紆南山以為置羅千乗於林莽 搶擊以為儲胥此天下之窮覽極觀也雖然亦頗擾 以為娛樂之遊内之則不以為乾豆之事豈為民乎 VZ (諷其辭 曰 楊子雲集 不圖恐不識者外之 而

數揺 擾羣黎為之不康於是上帝眷顧高 金足 極運天關橫巨海漂崑崙提劍而叱之 土实窳其民鑿齒之徒 而客自覽其切馬客曰唯唯主人曰昔有殭秦封豕 外 人曰吁客何謂兹 不識其内也僕當倦談不能一 且人君以玄默為神澹泊為德今樂逐出以露威靈 動以疲車甲本非人主之急務家竊感馬翰林 巴尼石量 邪若客所謂知其一未觀其二見其 相 與磨牙而争之豪俊糜沸 二其詳請略舉其 祖高 所過塵城斯巴 祖奉命 順 斗 雲 其

寧躬服節儉絲衣不與革鞜不穿大厦不居木器無文 之間而天下密如也逮至聖文隨風垂流方垂意於 惡麗靡而不近斥芬芳而不御 皇天乃展民之所屈振民之所乏規億載恢帝業七年 下將降旗 鄭 是後宫賤瑇瑁而疏珠璣却翡翠之飾除雕琢 不及餐裝盤生蟣強介胃被點汗以為萬姓請命乎 衛幼則之聲是以王衡正而太階平也其後熏鬻 日之戰不可殫記當此之勤頭蓬不服 抑止絲竹宴行之樂 之 憎 **1**5 至

左三日年 在馬

梯子雲集

燒烟龜分勢單于磷裂屬國夷院谷拔鹵莽利山石碌 屍與厮係累老弱充錐癩者金錄淫夷者數十萬 國家被其難於是聖武勃怒爰整其旅乃命縣衛 作虐東夷橫叛羌戎睚皆閩越相亂遐氓為之不安中 四 金岁正屋石里 渭雲合電發奏騰波流機驗遙較疾如奔星擊如 額 砰轒鰛破穹廬脳沙幕髓余吾遂躐乎王庭驅索 樹 丝 都先加迴戈邪指南越相夷靡節西征先娘東 **额扶服蛾伏二十餘年矣尚** 不敢惕息夫天兵 汾 沄

整與妹戎振師五作習馬長楊簡力狡獸校武栗禽 不譚王道者則樵夫笑之意者以為事問隆而不殺 城之災金革之患今朝廷此仁遵道顯義并包書林聖 馳是以遐方疏俗殊鄰絕黨之域自上仁所不化茂德 靡盛而不虧故平不肆險安不忘危乃時以有年出兵 風雲靡英華沈浮洋溢八區普天所覆莫不沾濡士有 ·然登南山瞰烏弋西厭月娟東震日域又恐後代迷 不經莫不蹈足抗首請獻殿珍使海內澹然永七邊 物 乃

球掉八列之舞的允樂看樂香聽廟中之雅雅受神人 悌行簡易矜劬勞休力役見百年存孤弱即與之同苦 之虞使農不蝦擾工不下機婚姻以時男女莫建出愷 亦所以奉太尊之烈遵文武之度復三王之田反五帝 不禦也是以車不安朝日未靡旃從者彷佛骩屬而還 ;然後陳鐘鼓之樂鳴鞀磨之和建碣磍之虡戛擊鳴 福枯歌投颂吹合雅其勤若此故真神之所勞也方 時之事常以此為國家之大務淫荒田獵陵夷而

| 歃定四庫全書

祭乎往號豈徒欲淫覽浮觀馳騁稅稻之地周流黎栗 将供元符以禪梁父之基增泰山之高延光於将來比 獲我禽獸曾不知我亦已獲其王侯言未卒墨客降席 發朦廓然已的矣 再拜稽首曰大哉體乎允非小人之所能及也乃今日 且盲者不見咫尺而離婁燭干里之隅客徒愛胡人之 林躁踐獨竟跨詞眾庶盛於獲之收多麋鹿之獲哉 蜀 都賦 易子片

碧馬犀象鲠西有鹽泉鐵冶楠林銅陵 其東於近則有 夷昆明我眉絕限峨塘堪嚴直翔靈山揭其右離碓 **壄千里上稽乾度則井絡储精下按地紀則川宫奠** 蜀都之地古曰梁州禹治其江渟阜彌望鬱乎青葱沃 石簪岑丹青玲瓏卬節桃枝石鰽水螭南則有犍 東有巴實綿亘百 為其旁則有期牛兒旌金馬碧雞北則有岷山外羌 瑕英菌芝玉石江珠於遠則有銀鉛 濮銅梁金堂火井龍湫其中則有 **邙連盧池澹漫** 牂 位 被 £

飲定匹庫全書

隆 累晚准祭交倚此崪崛崎集嶮脇施形精出偈堪當隱 增 胡 **七三日巨三** 左 倚彭門嶋岟姗嵃嵑 沈 屬眼喻泰極涌泉醴凝 臨柴諸徼堤岘五此參差湔山嚴嚴觀上本點龍 雖獲缓爛獲孫猶毅畢方爾乃蒼山隱天岎崯迴叢 **嶃重崒咁石巇崔投鶧嶵飔霜雪終夏抑巖岭嶙** 犁右羌庭漆水浡其匈都 獸則處羊野糜罷率旗駕屬處鹿扇戶豹能黃 呵方彼碑 揚子虫集 水流津 池 江 岫 漂其涇乃溢乎通 漉集成川於是乎 輵解礫乎岳岳 五 貅 則 陟 崇

椎參循崖撤接涇溫溶繽紛幼靡 撕 釘 遠遠乎長喻馳 灰 洪濤溶洗干溪萬谷合流遊 祽 木則 鍾涌 波逆濞暸 楢 木 賴碰嚴推汾 聲謹薄泙龍歷豐隆潜延延雷 櫻村信楫 楩 機像章 石冽獻紛沒周溥 山下卒湍降疾流分川並 汾忽溶 **業俊幹凑集** 樹榜檐櫖搭 闛 折 沛 瑜窘出限連混施隊 批 押青 旋 池 抉揭 溺冤終一 **海乎争降湖灣** 汎 閱 稚 雕梓 扶電擊鴻康 野里芒芒非 ٤Ł 注 頹慚博岸敵 沈 樘椅 合乎江 粉梧 從 橿 排 碣 濭 州 風 櫪

万

四屋石膏

拳五

都門二九四百餘問兩江珥其市九橋帶其流武儋鎮 則有編賴沈解水豹蛟蛇電蟺鼈龜衆鱗鰨鷦爾乃其 華炭根其中則有翡翠鴛鴦裊鸕鷦電寶鶇鷓與其深 上崇隄其淺溼則生蒼段將蒲霍芋青頻草葉連編来 填衍迫野岩此者方乎數十百里於氾則汪汪漾漾積 忽革紛揚搔角與風披夾江緣山鼻卒而起結根才業 其竹則鍾龍祭鐘野篠紛鬯宗生族楷俊茂豐美洪溶 とこりをから 刻削成蘞王基既夷蜀侯尚叢并石石弱听本倚從 揚子雲集

五穀馬戎瓜勉饒多丹以部麻往往薑施附子巨蒜 物 金牙巴居自電 柘 流龜磧竹 秦漢之徙充以山東是以隤山厥 梅 椒離為醫除清眾獻儲斯盛冬育前售菜增加 楊 駭 柿 樹以木蘭扶林禽爚般關旁支何若英絡其間 目單 柳夷弱蟬抄扶施連卷雞發螗蛦子鷌呼馬爾 桃杏李桃 木 石蝎 知所 相 杷 樂爾 杜 救魚酌不收駕鷦鴝鷱風胎雨敷 **楊栗標常梨離** 乃其裸羅諸風歐緣畛黃甘 饒水貢其獲直竹 支 雜 VZ 挺橙被 百華 諸 春 浮 衆 乃 レノ

飲定四車全書 !! 相 時迭代彼不折貨我罔之械財物饒贍蓄積備具若夫 類崇戎總濃般旋關齊略楚而喉不感緊萬物更湊四 阿麗纖靡避晏與陰蜘蛛作絲不可見風節中黃潤 盧中發文揚采轉代無窮其布則 投春隆隱芬芳蔓茗獎郁翠紫青黃麗靡蠟燭若揮 逢周流往來方棘齊較隱較幽輵埃敦塵拂萬端異 數金雕鏤如器百伎千工東西鱗集南北並漆馳 繡望七分無幅爾乃其人自造市錦紅綠繩領終緣 揚子雲集 細 都弱折綿繭成狂 t 逐 錦

羊雅米肥猪麈麀不行鴻鎮擅乳獨竹孤鷦炮鴞被 明衣表玄穀儷吉日異清濁合疎明綏離旅乃使有伊 五肉七菜勝狀腥臊可以練神養血腫者莫不畢 慈孫孝子宗厥祖 乃其俗迎春送臘百金之家千金之公乾池泄澳觀 徒調夫五味甘甜之和勺樂之羹江東鮐 胎山屬傷腦水遊之腹蜂豚應應被蝎晨鳧戮鍋 山鶴既交春羔秋腳膾鮫龜看杭田孺駕形不及勞 禰鬼神祭祀練時選日雅豫齊戒龍 鮑 龍西 陳 紕 魚 爾 初

錯芳襜袩纖延躢淒秋發陽春羅儒吟吳公連眺朱顏 聲呼吟靖領激呦喝啾户音六成行夏低徊胥徒入冥 於江若其吉日嘉會期於送春之陰迎夏之陽侯羅司 生杜廓密促之君則荆上亡尸之相厥女作歌是以 馬郭范畾楊置酒乎榮川之閒宅設坐乎華都之高堂 盼麗光龍虵蜜蜷錯其中禽獸竒偉髦山林昔天地降 及廟喈吟諸連單情舞曲轉節踃馭應聲其佚則接芬 惟揚幕接帳連岡眾器雕琢藻刻将星朱緣之畫亦 其

- 楊子宝集

伊 郰 崇垂鴻發祥情社飲若神明者盛哉樂乎越不可載已 相 與 兮奔紫畢组飛膾沈單然後別 競逐偃行嫩曳絲索恍惚羅圓彌 絳唇眇則之態吡敢出馬若其遊息魚弋卻公之徒 年暮春将疼后土禮靈祇謁汾陰於東郊因兹 兮称布列枚孤施兮纖繁出驚雌落兮高雄蹙翔雖 如平陽頻巨沼羅車百乗期會投宿觀者方限行 河東賦 解漫漫物物龍雕 VZ 勒

· 蘇被雲梢奮電鞭勢雷 唱 洪 強建五旗 義和司日 垂掉再星之流旃玃天狼之威弧張燿日之玄旌揚左 步周流容與以覽厚介山嗟文公而愍推兮勤大禹 倫奉與風發殿拂神騰思趙千垂霆亂萬騎屈擒嘻嘻 於是命羣臣齊法服整靈與乃撫翠鳳之駕六先景之 沙河靈矍踢爪華蹈哀遂臻陰宫穆穆肅肅蹲蹲如也 旭旭天地稠菽簸丘跳巒涌渭躍 |祇既鄉五位時序組緼玄黃將紹厥後於是靈輿安 易子写真 涇秦神下警跖魂負 頏

龍 脱坡下與彭城減南巢之坎坷兮易豳岐之夷平乗翠 帝 龍門灑沈笛於豁讀分播九河於東瀕登六觀而遇里 兮聊游浮以經營樂往昔之遺風兮喜虞氏之所畊瞰 唐之嵩高兮脈隆周之大寧汨低回而不能去兮行 逝乎歸來以函夏之大漢兮彼何足與比功建乾坤 今呵雨師於西東參天地而獨立兮廓盪盪其亡雙 下降鬱蕭係其幽謁兮溺汎沛以豐隆叱風伯於 而超河分防西岳之燒情雲霧飛而來迎分澤滲漓 南

欽定匹庫全書

緝 揚子通世離俗獨處左隣崇山右接曠野鄰垣乞兒終 冥及祝融敦衆神使式道兮奮六經以攄頌喻於穆之 貧且窶禮薄義弊相與羣聚惆悵失志呼貧與語汝在 之貞兆兮將悉總之以羣龍麗鉤芒與驂蓐收兮服玄 てこうこ こよう 極投棄荒遐好為庸卒刑戮是加匪惟幼稚嬉戲土 既發朝於平盈兮誰謂路遠而不能從 熙兮過清廟之雖雖軼五帝之遐迹兮躡三皇之高 逐貧賦 陽子雲集

我隨載沉載浮我行爾動我静爾休豈無他人從我 穴隱蔵爾復我隨陟彼高岡舍爾入海汎彼相舟爾復 退不受呵久為滯客其意謂何人皆文繡余褐不完人 舍汝遠竄崐崘之顛爾復我隨翰飛庆天舍爾登山嚴 籽露體霑肌朋友道絕進官凌遲殿谷安在職汝之為 不舉徒行負債出處易衣身服百役手足胼胝或耘或 皆稻梁我獨藜餐貧無寶玩何以接歡宗室之熊為樂 砂居非近隣接屋連家思輕毛羽義海輕羅進不由德

副定四母全書

高流酒為池積肉為崤是用鵠逝不踐其朝三省吾身 求今汝去矣勿復久留貧曰唯唯主人見逐多言益嗤 謂予無響處君之家福禄如山忘我大德思我小怨堪 之羣貪富尚得鄙我先人乃傲乃驕瑶臺瓊榭室屋崇 為典則土脂茅茨匪彫匪飾爰及世李縱其昏感饕餮 不干人皆重蔽子獨露居人皆休惕子獨無虞言辭既 寒能暑少而習馬寒暑不忒等壽神仙桀跖不顧貪類 心有所懷願得盡辭昔我乃祖宣其明德克佐帝堯誓

次足の車上的一

楊子雲集

主

觀大易之損益兮覽老氏之倚伏省憂喜之共門兮察 孤竹二子與我連行余乃避席辭謝不直請不貳過聞 權色厲目張攝齊而與降陷下堂誓将去汝適彼首陽 吉凶之同域皦皦著乎日月兮何俗聖之暗燭豈惕寵 以冒災兮将噬臍之不及若飄風不終朝兮驟雨不終 義則服長與汝居終無厭極貧遂不去與我遊息 日雷隆隆而輙息兮火猶熾而速減自夫物有盛良兮 太玄賦

選以誘世兮疾身沒而名減豈若師由朋兮執玄静於 萬里而一頓分遇列仙以託宿後青要與承戈分舞 驅蒸民而入甲張仁義以為綱兮懷忠貞以矯俗指 火足四車人 兮踞弱水以濯足朝發朝於流沙兮夕翱翔乎碣石忽 翠羽嫩而殃身兮蚌含珠而擘裂聖作典以濟時分 所接兮名譽怨所集薰以芳而致燒兮膏含肥而見 谷納傌禄於江淮兮揖松喬於華嶽升崐崳以散髮 妈子雲集 辛二 尊 馮

况人事之所極奚貪婪於富貴兮远喪躬而危族豐盈

掛 難數當兮麟而可羁近大羊兮鸞鳳髙 樂餓兮飲玉醴以解渴排問闔以窺天庭兮騎騂騦以 何足稱分辟斯數子智若淵兮我異於此執太玄兮 兮伯姬曜名焚殿身兮孤竹二子钱首山兮斷跡 網 蹰載羨門與儷游兮永覽周乎八極亂曰甘餌含毒 以作樂聽素女之清聲兮觀究妃之妙曲站芝英以 然肆志不拘擊兮 羅固足珍兮斯錯位極離大戮兮屈子慕清葬魚 翔戾青雲兮不 璺

於末之楊侯淑周楚之豐烈兮超既離厚皇波因江 有周氏之蟬媽兮或鼻祖於汾隅靈宗初謀伯僑兮流 太易之始太初之先馮馮沉沉奮博無端 自今推古至於元氣始化古不覽今名號选毀請以詩 春秋言之 欠已四年 白馬 騷 **檄靈賦 節文** 反 騷 杨子会集 Ŧ 潭

楁 **纍承彼洪族兮又覽纍之昌辭帶鉤** 離 金グログノー 蜈歇擬而不 珍髭兮衞九戎而索賴鳳凰翔於蓬階兮豈駕鵝之能 兮招摇紀於周正正皇天之清則兮度后土之方貞圖 往記兮欽吊楚之相纍惟天軌之不辟兮何純潔 男聯 腦以曲落分驢縣連蹇而齊足枳棘之棒棒分 以為養纍初貯厥麗服兮何文肆而質難資椒娃之 紛紛纍以其淟怨兮暗纍以其繽紛漢十世之陽 敢下靈修既信椒蘭之唼传兮吾纍忽馬 矩而佩衡兮履機 而

潭之汎益兮將折衷乎重華舒中情之煩惑兮恐重華 潜分歧慶雲而將舉亡春風之被離分孰馬知龍之所 其聞兮不如襞而幽之離房閨中容競淖約兮相態以 之不纍與陵陽侯之素波兮豈吾纍之獨見許精瓊靡 處愍吾繫之衆芬兮賜煜煜之芳苓遭季夏之疑霜兮 麗佳知衆嫭之嫉妬兮何义遇纍之蛾眉懿神龍之淵 慶天頓而喪榮橫江湘以南淮兮云走乎彼蒼吾馳江 而不早睹谷芰站之緑衣兮被芙蓉之朱裳芳酷烈而

欠日日事在時

拂子雲集

吉田

以作媒兮何百離而曾不壹耦垂雲霓之梅旅兮望眼 草為不芳初纍棄彼處妃兮更思瑶臺之逸女抨雄 勤索彼瓊茅達靈氛而不從兮及湛身於江皐纍既攀 夫傅説兮奚不信而遂行徒恐鷤搗之將鳴兮顧先 西山解扶桑之總轡兮縱令之遂奔馳鸞凰騰而不 與秋前兮將以延夫天年臨汨羅而自隕兮恐日溝 兮豈獨飛雁與雲師卷薛芷與若蕙兮臨湘淵而投 中 椒與菌桂分赴江湖而漚之費椒稱以要神兮又 屬 鴆 之 百

ロスと言

之所遺 遲遲而周邁終回復於舊都兮何必相淵與濤瀬溷漁 父之餔歇兮潔沐浴之振衣棄由明之所珍兮蹠彭咸 以於邑兮吾恐靈修之不纍改昔仲尼之去魯兮斐斐 くこうら 招與九歌夫聖哲之不遭兮固時命之所有雖增秋 以楊流覽四荒而顧懷兮奚必云女彼高丘既亡鸞 幽謁兮馬駕八龍之委蛇臨江 澒 陽子雲集 瀕而掩涕兮何有 蓋

厥後 還師于京思方實服罔有不庭昔周之宣有方有虎詩 陽管平守節屢奏封章料敵制勝威謀靡亢遂克西戎 矜 後將軍整我六師是討是震既臨其域諭以威徳有守 一一 四月全書 明靈惟宣戎有先零先零猖狂侵漢西疆漢命虎臣惟 歌功乃列于雅在漢中與充國作武赳赳桓桓亦紹 功謂之弗克請奮其旅于罕之羌天子命我從之 趙充國頌 解

PART ME MALE			,		
揚子雲集					
千大					

金牙巴尼白電 揚子雲集卷五

欽定四庫全書 てこうい しい 箴 **冀州鴻原大陸岳陽是都島夷皮服潺湲河流夾** 冀州牧箴 百官箴 陽子對集 漢 明 鄭樸 揚雄 編 撰

悠悠濟河兖州之寓九河既導雷夏攸處草繇木條漆 治不忘亂安不遺危周宗自怙云馬有予隳六國奮矯 攺 替趙魏相反秦拾其弊北築長城恢夏之場漢興定制 以碣石三后攸降列為侯伯降周之末趙魏是宅冀土 果絕其維牧臣司其敢告在階 糜沸炫沄 封藩王仰覽前世版力孔多初安如山後崩如崖故 兖州牧箴 如湯更盛更良載從載橫陪臣擅命天王是

副立四库全書

野之禽豈復能耽甲子之朝豈能復笑有國雖久必畏 宗厥後陵遲顛覆湯緒西伯戡黎祖伊奔走致天威命 究敢告執書 不恐不震婦言是用牝雞是晨三仁既 ?!) 渡 各有民雖長必懼人殃箕子歐都殿居為墟牧臣 綿 牧野是宅丁感惟维祖已伊忠爰正厥事遂緒高 約濟澤既通降丘宅土成湯五徙卒都于毫盤真 青 州牧箴 揚子雲集 知武果戎殷 司 牧

塗泥在丘之營五侯九伯是討是征馬殆其衛御 夷作牧貢篚以時莫怠莫建昔在文武封吕于齊厥 茫茫青州海岱是極鹽鐵之地 鉛松怕石羣水攸歸來 海岱伊淮東海是渚徐州之土邑于蕃宇大野既潴 臣司青敢告執矩 周卒陵遲嗟兹天王附命下土失其法度喪其文武牧 度周室荒亂小白以霸諸侯僉服復尊京師小白既 徐州牧箴 失其 没 有

副丘匹库全書

現條湯閩越北垠沅湘 矯 芽牧臣司徐敢告僕夫 絶 東作天命湯武勦絕其緒祚降周任姜鎮于瑯 農蠶大野以康帝癸及辛不祇不格沈湎于酒而忘 てこりら こけ 矯揚州江漢之 苗 田氏攸都事由細微不慮不圖禍 揚州 牧箴 許彭鑫既猪陽鳥攸處橘 **杨子雲集** 攸往猶矣淮夷蠢蠢荆蠻翮 如丘山本在 抽 琊姜 羽 貝 其 彼 萌 姓 瑶

羽有蒙孤桐蠙珠四沂攸同實列蕃敝侯衛東方民好

秋之末侯甸叛进元首不可不思股肱不可不孳堯崇 出名 屢省舜盛欽謀牧臣司揚敢告執籌 而逆父罔有義而忘君大伯遜位基吳紹類夫差 大伯無祚周室不匡勾踐入霸當周之隆越裳重譯春 於恃而誅逢干盖邇不可不察遠不可不親靡有 王南征不旋人咸躓於垤莫躓於山咸跌於污莫跌 明哲不云我的童家不云我昏湯武聖而師 荆 牧箴 伊 誤 吕

金定四月全書

告執御 巢號之以禁南巢茫茫包楚與荆風慄以悍氣銳以 **衡是調雲夢塗泥包匭菁茅金玉砥礪象齒亢龜貢篚** 香香巫山在荆之陽江漢朝宗其流湯湯夏君遭鴻荆 有道後服無道先强世雖安平無敢逸豫牧臣司荆敢 九己口声 山馬 有日不順庶國孰敢余奪亦有成湯果秉其鉞放之 物世世以饒戰戰慄栗至桀荒溢曰我在帝位若天 豫州牧箴 揚子雲集 Ø 南 剛

滌 莫或余敗母曰我强靡克余亡夏宅九州至於季世放 咸宅寓内莫如陪臣執命 廬相 牙靡哲靡聖指失其正方伯不維韓卒擅命文武孔 子王赧為極實絕周祀牧臣司豫敢告柱史 南巢成康太平降及周微带敝屏管屏管不起 距夏殷 作昏成康孔寧至此作傾故有天下者母曰我大 不都成周攸處豫野所居爰在鶉墟四 不慮不圖王室陵遲喪其爪 施于 噢 純

郁

郁

荆河伊維是經際播泉漆惟用攸成

田田相拏

巴屋有量

兵征暴遂國于漢拓開疆宇恢梁之 復古之常幽厲夷業破絕為荒秦作無道三方潰叛義 底页磬錯砮丹絲麻條暢有粳有稻自京徂畛民攸 巖巖岷山古曰梁州華陽西極黑水南流茫茫洪波 とこうら これ 降陸于時八都厥民不興禹道江沱岷幡啓乾遠近 夏牧臣司梁是職是圖經營盛哀敢告士夫 有桀紂湎沈頗僻遏絕苗民減夏殷績爰周受命 益 州牧箴 枫子虫焦 野列為十二光羨 Ł 温 触

常 黑水西河横截崐倫邪指間闔畫為雅垠上侵積石 **总危盛不諱哀牧臣司雅敢告級衣** 西荒南排勁越北起疆胡并連屬國 兵山東六國顛沛上帝不寧命漢作京隴山以徂列 金为四周全章 龍門自彼氏羌其敢不來庭其敢不來匡每在季主 失厥緒侯紀不貢荒侵其寓陵遲哀徼秦據以戾 雅州牧箴 鮅 一州收箴 護攸都盖安不 為 興

忘隄潰蟻穴器漏箴芒牧臣司幽敢告侍傍 為平陸周末持臻追于獯鬻晉溺其陪周使不阻六國 雍 **壃大漢初定介狄之荒元戎屢征如風之騰義兵涉漠** 荡荡平川惟其之別北阮幽都我夏交倡伊昔唐虞實 とこりをこう 偃我邊的既定且康復古虞唐盛不可不圖良不可或 别 權無趙本都東限穢貊羨及東胡殭秦北排家公城 朔方河水悠悠北辟 并州牧箴 揚子雲集 撫衛南界涇流畫兹朔土 六 Œ

周 犬我不享爰貊伊徳侵玩上國宣王命将攘之涇北宗 交州荒裔水與天際越裳是南荒國之外爰自開 敢告執綱 罔職日用爽蹉既不俎且又不干戈大戎作亂斃于 阿太上曜徳其次曜兵徳兵俱顛靡不悴荒牧臣司 不絆周公攝祚白雉是獻昭王陵遲周室是亂越裳 交州收箴 闢 ス、

直幽方自昔何為莫敢不來貢其敢不來王周穆遐

征

金石四屋白書

經兆宫室畫為中外廊殿門園限以禁界國有周衛民 竭中虚池竭瀕乾牧臣司交敢告執憲 欠足四事全馬 有潘籬各有攸保守以不歧昔在夏殷桀紂淫湎特牛 遂臻黃支杭海三萬來牵其犀盛不可不憂隆不可不 亡大漢受命中國無該南海之宇聖武是恢稍稍受羁 絕貢荆楚逆叛四國內侵蠶食周宗臻于季報遂以滅 顧瞻陵遲而忘其規摹亡國多逸豫而存國多難泉 光禄勲箴 楊子雲集

其守永脩不敗維昔庶僚官得其人荷戈而歌中 難不律嗣為城衛以待暴卒國有以固民有以內各 注注上天崇高其居設置山險畫為防禦重垠累坡以 執 **鞞忘其廊廟而聚夫逋逃四方多罪載號載吸內不** 不省外不可不清徳人立朝議士充庭禄臣司光敢 經 飲門戶荒亂即雖執或謁者參差殿中成市或鼓或 ロスとう 衛 尉箴 告 保 可

遂成其詐軻挾七首而衛人不寤二世妄宿敗於望夷 堅齊桓怵惕宿衛不飭門非其人户廢其職曹子標劍 孔夏四縣孔昕僕夫執俸載駐載駰我與云安我馬惟 狩 肅 間樂矯搜戟者不誰尉臣司衛敢告執維 雖 肅太僕車馬是供鳉鳉和鸞駕彼時龍昔在上帝巡 四宅王用三驅前禽是失紂作不令武王征殷檀車 馳雖驅匪逸匪愆昔有淫昇馳騁忘歸景公千 太僕箴 馬四

钦定四事全書

楊子雲集

訓天周以阜基厥後凌遲上帝不觚周輕其制秦繁其 作淫刑延于苗民夏氏不寧穆王耄荒甫侯伊謀五刑 天降五刑惟夏之績亂兹平民不回不辟昔在蚩尤爰 辜五刑紛紛靡遏靡止冦賊滿山刑者半市告唐虞象 廄焚問人仲尼厚醜孟子盖惡夫廄多肥馬而野有餓 而淫於齊詩好牡馬牧於駒野輦車就牧而詩人與魯 殍僕臣司駕敢告執皁 廷尉箴

修百職人有材能察有級差遷能授官各有攸宜主以 とこうるとこう 以刑顛秦以酷敗獄臣司理敢告執謁 刑天民是全紂作炮烙墜民于淵故有國者無云何 不廢官以不隳昔在三代二季不蠲穢德慢道署非 人失其材職反其官家察荒耄國政如漫文不可武 荡唐虞經通垓極陷陷百王天工人力畫為上下羅 別是劓無云何害是剝是剖惟虐惟殺人其余奈殷 鴻臚箴 赐子宫俱

我女魯喜子同高作秦崇而扶蘇被凶宗廟荒墟魂靈 家降晉獻悖統宋宣亂序齊桓不作而忘其宗緒周畿 有育子世以不錯昔在夏時太康不恭有仍二女五子 武不可文大小上下不可奪倫鴻臣司爵敢告在隣 剑灯四戽全律 巍巍帝竞欽親九族經哲宗伯禮有攸訓屬有攸籍 靡附伯臣司宗敢告執主 宗正箴 大司農箴 名

陵遲良微姬卒以痒秦收大半二世不瘳泣血之有海 常遠近貢能百姓不忘帝王之盛成在農殖季周爛漫 施殿食厥僚后稷有無選易實均實贏惟都作程旁求 而東作不較膏腴不獲庶物並荒府蔵單虛靡積靡倉 衣食厥民攸生上稽二帝下閱三王什一而征為民作 とこうらとか 時惟大農爰司金穀自京徂荒粒民是斛肇自厥初實 無即農臣司均敢告執繇 ノ府箴 楊子雲集

實實少府奉養是供紀經九品臣子攸同海内幣帮祁 温温唐虞重襲純孰經表九德張設武官以御夜賊如 失之於約常失於奢府君司共敢告執觚 喪其國康而卒以陵遲嗜不可不察欲不可不圖未當 以噬至於姚樂流酒而坦妹作崇其寮不御不恢夏殷 祁如雲家有孝子官有忠臣其僚率舊聖則越遵民以 不擾國以不順昔在帝李癸辛之世酒池糟隄而象箸 執金吾箴

金万四月月年

飲定四庫全書 宫觀在彼溝洫桀作瑶臺紂為璇室人力不堪而帝 鼠攸去王有宫殿民有宅居昔在帝世茅茨土階夏里 義而思其殘酷猛不可重任威不可獨行堯咨虞舜惟 思是尚吾臣司金敢告執璜 宜時用之不理實反生災秦政暴戾播其威虐亡其仁 虎有牙如鹰有爪國以自固獸以自保牙爪崽崽動作 你將作經構宫室牆以樂風字以蔽日寒暑攸除鳥 将作大匠箴 揚子雲集

敢告執猷 继 母云我富淫作極遊在彼牆屋而忘其國戮作臣司匠 有析柜各有攸堅民以不虞徳懷其內險難其外王公 刺書彼泉臺两觀雉門而魯以不恢或作長府而関 不仁秦築驪河嬴姓以顛故人君無云我貴榱題是遂 **逃山川徑塞九路盤石唐芒襲險重固國有城溝** 詩詠宣王由儉改奢觀豐上六大屋小家春秋譏 城 門校尉箴

钦定四軍全書 帝羿共田徑游弧矢是尚而射夫封豬不顧於愆卒 芒芒大田芃芃作穀山有征陸野有林麓夷原汚數禽 懷秦恢長城而天下畔垂尉臣司城敢告侍階 險 攸伏魚鱉以時易養咸殖國以殷富民以家給昔在 溝伊保不可德布而城溝是依唐虞長徳而四海永 險而承以盤盖昔在上世有殷有夏癸辛不徳而設 阻湯武爰征而其過其禦作君之危不可施少 上林苑令箴 視子 雲集 而

惟是職注光九州 普彼坤靈侔天作則分制五服劃為萬國乃立地官空 均昔在季葉班禄遗賢掊克充朝而象恭滔天匪人 臣司虞敢告執指 後憂是以田獲三驅不可過差應應攸伏不如德至衡 匪政斯教流貨市龍而苞苴是鬻王路斯浮孰 义翼翼王臣臣當其官官宜其人九一之政七賦以 司空箴 都鄙盈區綱以羣牧綴以方侯烈烈 不傾 斯

覆空臣司土敢告在側 太常箴

吊棄禮慢祖夔子不祀楚師是虜魯人跡僖臧文不寤 于羣神我祀既祇我染孔蠲匪愆匪成公尸攸宜弗祈 翼翼太常寔為宗伯穆穆靈祇寝廟奕奕稱秩元祀 弗求惟徳之報不矯不誣庶無罪悔昔在成湯葛為不 班

無口我貴慢行繁祭無日我材輕身恃巫東隣之犧

文隳太室桓納郜縣災降二宫用誥不祧故聖人在

位

欠日り事を動

楊子雲集

聴 則失臣兒吉其和巽各其頻書稱其明申申厥鄰告秦 皇皇聖哲允敕百工命作齊慄龍為納言是機是密出 于民人海其大號而萬國平信春秋機漏言易稱不密 朕命王之喉舌獻善宣美而讒說是折我視云明我 云聰載風載夜惟允惟恭故君子在室出言如 如西隣麥魚秦殞望夷隱斃鍾巫常臣司宗敢告執 せんとう 尚書箴 風 動

文足写事 E 医 俗某美於施化故孔子觀夫大學而知為王之易易大 挹行潦而濁亂斯清官操其業士執其經昔聖人之綏 皇多士多士作楨維周以寧國人與讓虞芮質成公劉 有攸教德用不陵昔在文王經啓其軌勗于德音而思 尚權詐官非其人符璽竊發而扶蘇殞身一姧愆命七 洋洋三代典禮是脩畫為辟雅國有學校倭有泮宫各 廟為墟威福同門牀上維辜書臣司命敢告侍隅 博士箴 楊子雲集

+

賓 是遵原伯非學而閔子知周之不振儒臣司典敢告在 是守组豆不陳而顛其社稷故仲尼不對問陳而期簋 舜南面無為而在席平還師階級之間三苗以懷秦作 時惟膳夫實司王饔祁庶羞口實是供羣物百品 無道斬決天紀漫彼王迹而坑夫術士詩書是泯家言 分りひんとう 清蠲以御賓客以膳于王 太官令箭節文

醪不入口臧水滿懷不得左右牵於經徹 不蠲 亂 命羲和欽若昊天百政攸宜夏帝不慎羲和不令酒時 昔在太古爱初肇記天地之紀重黎是司降及唐虞乃 7.13 Tel 2.14.5 日帝旅爰征庶寮至殷唯天為難夏氏黷徳光明神 猶餅矣觀餅之居居井之眉處高臨深動常近危酒 酒箴 太史令箴 拂子虫集 一旦叀礙 土 為

新室文母太后崩天下哀痛號哭涕四思暴功德咸 滑稽腹大如壺畫日盛酒人復借酤常為國器託於屬 党所輻身提黃泉骨肉為泥自用如此不如鸱夷鸱夷 金万四月月十二 西陵昌意實生高陽純徳虞帝孝聞四方登陟帝位禪 柩誄之銘曰惟我有新室文母聖明皇太后姓出黄帝 車出入兩宮經營公家繇是言之酒何過乎 誄 元后誄

備其姪娣覲禮髙祺祈廟嗣繼靡格匪天靡 成孝順皇姑承家尚莊内則純被後烈丕光肇初配 受 次定四華 全島 佐 天命是将兆徴 之靈太陰之精天生聖姿豫有祥禎作合於漢配元生 與圖國艱以度厄運徵立中山庶其可濟博采淑 盈文母覽之千載不傾博選大智新都宰衡明聖 承祚惟離典經尚是言異大命俄顛厥年夭隕 伊唐爰初胙土陳田至王營相厥宇度河濟旁沙麓 顯見新都黃龍漢成既終消 楊子雲集 嗣 動匪地 匪生哀 女 終

攝帝受禪立為真皇允受厥中以安黎泉漢廟熟廢 移屬在聖新代于漢劉受祚于天漢祖承命亦傅于黃 平夭折百姓分離祖宗之您終其不全天命有托詢 侯王親睦庶族昭穆序明帝致友屬靡有遗荒成被 穆明明的事上帝弘漢祖考夙夜 匪懈與滅繼絕博 于前屬遭不造榮極而遷皇天眷命黃虞之 正我黄來火德将滅惟后于斯天之所壞人不敢支哀 **慶冀以金火赤仍有央勉進大聖上下魚該羣祥衆瑞** 孫歷世運 秨 立 在

ノニョ

計十邑國之是度還奉于此以處貧薄罷苑置縣築里 崇尊不虚統惟祇惟庸隆循人敬先民是從承天祇家 帝母鴻徳不忘欽徳伊何奉命是行菲溥服食神祇是 定安公皇皇靈祖惟若孔城降兹珪壁命服有常為新 少足四車上馬 一 夏撫郭杜冬邮涇樊大射饗飲飛羽之門綏宥者幼 作宅以處貧窮哀此婺獨起常盈倉五十萬斛為諸生 允恭虔恪豐阜庶卉旅力不射恤民于留不皇跪作 以勸好學志在黎元是勞是勤春巡灞淮秋臻黃山 揚子雲集 别

嗚呼哀哉萬方不勝徳被海表彌流魂精去此昭昭 曲 物 **帥導羣妾咸循盤族分繭理絲女工是敕遐邇蒙** 婦 租落而崩四海傷懷群踊 傾 不 日東秩賜谷鳴鳩拂羽戴勝降桑盤于繭館躬筐 著德太常注諸旒旌嗚呼哀哉以昭鴻名享國 禔 理無人不寧尊號文母與新有成世奉長壽靡隳 福自京建海靡不仰德成類存生乗天地 刑女歸家以育貞信玄冥季冬搜狩上蘭寅賓 拊心若喪考此過密八 經 音 執 無

ľ

在上禄不遺賢罰不偏罪君子小人各處其位眾臣之 豐遂無有夭折災害不生兵戎不作天子之樂也聖明 伊銘嗚呼哀哉 彼冥冥忽兮不見起兮西征既作下宫不復故庭爰緘 臣聞天下有三樂有三憂馬陰陽和調四時不忒年穀 連珠

拂子雲集

樂也更不茍暴役賦不重財力不傷安上樂業民之樂

出天墮山又有朱提氏女名曰利自江源而出為宇妻 蜀之先稱王者有蠶叢折灌魚易俾明是時椎髻左衽 也制 乃自立為蜀王號曰望帝移居耶邑 日伯雅又次日魚尾尾田於湔山得仙後有王曰杜宇 不曉文字未有禮樂從開明已上至蠶叢凡四千歲次 則反馬故有三憂 蜀王本紀 記 琴清英凡節文

昔者神農造琴以定神齊盛姆去邪欲反其天真者也 合五丁拖牛置成都蜀道乃通 珠孕禹炘堛而生於縣塗山娶妻生子啓紀年曰禹立 化三日草 二十 禹本沒山廣柔縣人生於石紐其地名廟兒畔禹母吞 秦王石牛置金於後蜀人以為牛便金蜀王發卒開道 四十五年 琴清英凡四 蜀王記 拂子雲集

夢見水仙賜其美樂唯念養親揚聲悲歌舡人聞而學 少失父母長無兄嫂當道獨坐暮無所止於此者乃可 邃宇連屋重户菅肉漿酒倡樂在前難可使悲者乃謂 晉王謂孫息曰子鼓琴能令寡人悲乎息曰今處髙臺 舜彈五絃之琴而天下治堯加二紋以合君臣之思也 之吉甫聞舡人之聲疑似伯奇援琴作子安之操 尹吉甫子伯奇至孝後母替之自投江中衣苔帶藻忽 悲耳乃援琴而鼓之晉王酸心哀涕曰何子來遲也

在为 正屋 有電

終 雉 **少足四車全書** 而起忽又不見傳母悲痛援琴作操故曰雉朝飛 雉俱出墓中傅母撫雌雉曰女果為雉邪言未卒俱飛 之以死馬傅母好琴取女自操琴於冢上鼓之忽 聞太子死問傅母何如傅母曰且往當喪畢不肯歸 朝 闕 飛操者衛女之所作也衛侯女嫁於齊太子日中 竹 訓纂 頌 廣騷 家諜 畔牢愁 楊子雲集 繡 補靈節龍骨銘詩三章 丰 綿

